



Astigarragatik abiatu zen atzo Eguzkik antolatzen duen bizikleta martxa.

ANDER GILLENEA

Aurtengo Txirrinkak lehen pedalkadak eman ditu

Gaurko etapa Ordizian hasi eta Zornotzan amaituko da

Eguzkik antolatutako Txirrinka Suari jo ta su! Birziklapenari bai! lelopean egiten ari da. Bizikleta martxa ekologista Erandion amaituko da igandean, lau egunetan Gipuzkoa eta Bizkaiko hainbat herri zeharkatu ondoren.

Erredakzioa / Donostia

ASTIGARRAGAN hasi zen atzo Eguzki talde ekologistak duela bost urtetik hona antolatzen duen Txirrinka. Aurtengo ekitaldiak hiru helburu ditu: alde batetik, hondakin solidoen birziklaketa bultzatzea eta errausketa baztertzeari; bestetik, bizikletaren erabilera indartzea, garraibide baliagarria, merkea, osasuntsua eta ekologikoa baita; eta, azkenik, Euskal Herriko egoera ekologikoa eta ingurugiroari egiten zaizkion erasoak jakinarazi eta salatzea.

Eguzkik, Txirrinkaren bitartez, jendea kontzientziatu eta informatu nahi du hiriko hondakin solidoen arazoaz. Eguzkiren iri-

tziz, «arazoa herritar guztiona da, ez bakarrik errausketa proiektuen alde egin duten udalerriena. Horregatik, konponbidea denon artean aurkitu behar dugu».

Garikoitz Plazaola Eguzkiko ordezkariarentzat, errausketa ez da era egokia zaborren arazoa konpontzeko, «oso kutsagarria eta garestiegia izateaz gain, ingurugiroan eragin handiak baititu. Hori dela eta, guk proposatzen dugu jatorrian hondakinak murriztea, birziklatzea eta berriro erabiltzea, betiere plangintza egoki baten bidez egiten bada behintzat». Birziklatze integrala da «alternatiba baliagarri bakarra».

Txirrinka egunez egun • Txirrinkak zeharkatuko dituen herriek zerikusi zuzena dute birziklaketaekin eta errausketarekin. Atzo Astigarragatik igaro zen, Gipuzkoan errausketa planta bat jartzeko arrisku handiena duen herritik. Jarraian San Markosko zabortegia, Sasietako mankomunitatea, Andoain eta Tolosa zeharkatu zituen eta Ordizian amaitu zen.

Gaurko etapa Ordizian hasi eta Zornotzan bukatuko da, Arra-

sate, Bergara eta Elorrio zeharkatu ondoren. Gaur egun Arrasaten dago Gipuzkoako errausketa planta bakarra, baina Plazaolaren iritziz, «urte bukaera aldean itxi egin beharko dute Europako Batasunaren aginduz, ez baitu betetzen gai kutsagarrien araudia. Arrasate eta Bermeoko errausketa plantak eraiki zituztenean teknologiak arazo guztiak saihestuko zituela esan zuten, baina biek kutsatzen dute airea nitrogeno oxidoa eta dioxinekin».

Bihar Zornotzatik Bermeora abiatuko dira, bertan baitago Bizkaian funtzionatzen duen errausketa planta bakarra. Martxan dagoen arren, «ez du betetzen indarrean dagoen araudia». Mungia eta Asua zeharkatu ondoren, hirugarren etapa Erandion bukatuko da. Erandioko Sakoni ibarrean bi errausketa planta eraiki nahi dituzte.

Txirrinkako azken etapa, igandekoa, Bilbon Handian ibili ondoren, Erandiora itzuliko da. Erandion herri afariak, antzerki emanaldiak eta trikitilariak amaiera emango diote lau egunez luzatuko den aurtengo bizikleta martxari. X

Baionako ostalariak haserre daude Udalarekin

Kanpoko bozgoragailuak jarri nahi dituzte

Lutxi Fourcade / Baiona

BAIONAKO BESTETAKO programa aurreko urteetakoen antzekoa bada ere, ohiko haserrearen erakutsi dute hiriko ostalariak, Udalak hartutako azken erabakiak kritikatzeko. Sindikatu batean biltzen diren hiriko 262 profesionalak biltzar nagusia egin zuten atzo arratsaldean Aviron Bayonnais-en egoitzan, eta parada paregabea izan da urtero errepikatzen diren salaketak azaltzeko. Besten kariatara hartutako erabakiak luzaz komentatu zituzten ostalariak, eta kritika gogorak plazaratu zituzten.

Baionako besten antolaketa sekulako eztabaidak pizten ohi ditu ostalarien sindikatuaren eta Herriko Etxearen artean. Urtean zehar, Laffargue sindikatuko lehendakaria biltzen da auzapezarekin eta suprefetarekin besten ardatz nagusiak finkatzeko, baina aste honetan plazaratutako erabakiek haserre gorrian jarri dituzte profesionalak. Hain zuzen, kanpoko barren prezioa zen haserrearen lehen arrazoia. Izan ere, ostatu gehienek sei metroko barra ostatutik kanpo jartzeko eskubidea dute, metroko ordainduz gero Herriko Etxeari. Prezioen gorakada polita izan da aurtengo (300 liberatik 400 liberara metroa), baina ostalarien haserrea buru egiteko, atzo goizean Udalak jakinarazi zion sindikatuari akordioa lortzeko

aukera bazegoela. Azpimarratu behar da ostalariak Baionako komertzioaren talde kopurutsuena dela (% 30) eta 1.000 langile biltzen dituela; benetako indarra, beraz.

Bestalde, kanpoko bozgorailuen jartzeko debekuak sekulako ekaizta piztu zuen, bezeroa biltzeko argudio handia bihurtu baita azken-urteotan. Auzapezak jakinarazi zuen debekua hartu zuela «ohiturazko besta giroa sortzeko esperantzaz», sekulako dezibelioen konpetentzia hasi baitzen ostalarien artean. Barren prezioak baino gehiago, debekuak eztabaida luzea piztu zuen, eta erabakia arriskugarritzat jo zuten ostalariak. «Kanpoan dau den milaka lagunek ez badute dantza egiteko aukerarik, denbora pasatuko dute borrokaldietan», azaldu zuen batek.

Izenpetze kanpaina abiatuko dute Herriko Etxearen erabakiari buru egiteko, zihurtasun estakurua baliatuz noski. Bestalde, bilduko dira auzapezarekin bere debekua ken dezala eta aurretik jakinarazi zuten ez zutela errespetatuko erabakia.

Ohidurari jarraituz ere, elkartek pribatuei buruzko eztabaidak gela sutan jarri zuen. Izan ere, elkartek pribatuak ugaritu dira azken urteotan, benetako konpetentzia sortuz ostalarietuekin. Altabada, Udalak begiak ixten ditu, pestako elementuak bilakatu baitira elkartek hauek. X

Bi gazte hil dira Vianan gertatu auto istripuan

Beste bi Logroñoko ospitalera eraman zituzten

Erredakzioa / Iruñea

BI GAZTE zendu eta beste bi zauritu ziren atzo, Vianan gertatu auto istripuan. Autoa —Badajozko matrikula zuen Mercedes 190 bat— Iruñea eta Logroño batzen dituen N-111 errepedetik Logroñorako bidean zihoan, eta oraindik ez dakitela zergatik, errepedeko 83,3 kilometroan bidetik atera zen. Goizeko zortziak aldera gertatu zen ezbeharra.

Istripuaren ondorioz, Mauro David Estefania Fernandez, 18 urteko gidaria, eta berarekin zihoan Aitor Fernandez Bizkarrak, 17 urteko gaztea, zendu ziren. Logroñon bizi ziren biak. Beraiekin batera beste bi lagun zeuden eta zauriak izan zituzten. Jose Alfredo Salcedo Vazquez, 18 urteko gaztea, larri dago, eta 19 urteko Miguel Angel Campo Cubero, arin zauritua. Biak Logroñoko San Millan ospitalera eraman zituzten. X

EUSKARAZ BLAI

uda ikastaroak

Arbona, Etxalar.

Goi urratsetan eta EGAn adituak.



GASTEIZ 945 28 89 22
IRUÑEA 948 22 22 46
LESAKA 943 63 77 96



IBARRAKO UDALA

IRAGARKIA

Udal Osoak 1996ko uztailaren 3an ospaturiko Ohiko Batzaraldian, Planeamenduko AA.SS.etako 5. iharduketa unitatearen, Behiko-Soro S.L.-k aurkeztutako Zehaztasuneko Estudioari behin-betiko onarpena eman zitzaien.

Iragarki honen LLTBaren 124.1 artikulua xedaturikoa betez, eta informazio hau zabaltzeko asmoz honakoa argitaratzen da.

**Ibarra, 1996ko uztailak 24.
ALKATEAK.**

Egunkaria

**JAI ZORIONTSUAK
OPA DIZKIZUE!!**

